



---

## Da la suprastanza cumünala

---

### **Concept e condot circular Guarda**

La suprastanza incumbenzescha al büro d'indschegner Caprez AG Scuol cun l'elavuraziun d'ün concept pel quartier da Guarda Pitschen.

### **Ardez: sanaziun pürificaziun biologica da la sarinera**

La biologia e'l batschigl da sarinar secundar illa sarinera d'Ardez han da gnir sanats. Il sistem nu correspuonda plü a las ledschas. La suprastanza surdà l'incumbenza al büro d'indschegner Caprez AG Scuol.

### **Terapia logopedica: cunvegna da collavuraziun**

La terapia logopedica gniva organisada fin la fin dal 2015 da la PEB. Culla nouva structura da la regiun nun es quai plü uschè. Il cumün da Scuol s'ha declerà pront da surtour quista incumbenza.

La suprastanza fa bun la cunvegna da collavuraziun per la terapia logopedica tanter ils cumüns da Zernez, Scuol e Valsot.

### **Ftan «La Lavina/Quadras»: planisaziun d'areal**

Üna giuria gnüda incumbenzada da la suprastanza ha valütà las propostas entradas per ün concept da la planisaziun d'areal «La Lavina/Quadras» a Ftan.

La suprastanza sustegna la proposta da la giuria e decida da laschar sviluppar inavant il concept dal büro Padrun-Architektur, Guarda. El ha preschantà ün concept fich bain reuschi. La chascharia cun bistro es integrada, accessibla ed organisada optimal i'l implant general. Il quartier po eir gnir realisà in etappas.

### **Surdattas da lavur e d'incumbenzas**

- Via da god Pradella, Scuol  
passagi Val Triazza e punt loipa da passlung
  - lavuors d'impressari Koch AG, Ramosch
- Via da god Tasna, Ftan
  - lavuors d'impressari Implenja Schweiz AG, Zernez